

हु॒वानाः । वि॒श्व॒वृ॒ध॒म॒भि॒ ये र॒क्ष॒माणाः । येन॑ ह॒ता-
 दी॒र्घ॒म॒ध्वा॒न॒मा॒यन् । अ॒न॒न्त॒म॒र्थ॒म॒नि॒व॒त्स्य॒मा॒नाः ।
 यत्ते॑ सु॒जा॒ते हि॒म॒व॒त्सु॒ भेष॒जं । म॒यो॒भूः श॒न्त॒मा॒य॒द्भु॒दो-
 ऽसि॑ । ततो॑ नो॒दे॒हि सी॒ब॒ले । अ॒दो गि॒रि॒भ्यो॒अ॒धि॒यत्
 पु॒धा॒व॒सि । स॒शो॒भ॒मा॒ना क॒न्ये॒व शु॒भ्रे ॥ ४ ॥

तां त्वा मु॒ङ्ग॒ला ह॒विषा॑ वर्द्धयन्ति । सा नः॑ सी॒ब॒ले
 र॒यि॒मा॒भा॒ज॒ये॒ह । पू॒र्व्वं दे॒वा अ॒प॒रे॒णानु॑पश्य॒ज्जन्म॑भिः ।
 जन्मा॒न्य॒वरैः॒ परा॑णि । वे॒दानि॑ दे॒वा अ॒य॒म॒स्मीति॑ मां ।
 अ॒ह॒ हित्वा॑ शरी॒रं ज॒र॒सः प॒र॒स्तात् । पा॒णा॒पा॒नौ
 चक्षुः॑ श्रो॒त्रं । वा॒चं म॒न॒सि॒ सम्भू॑तां । हि॒त्वा शरी॒रं ज॒र-
 सः॑ प॒र॒स्तात् । आ भू॒तिं भू॒तिं व॒यम॑श्न॒वाम॑है ॥ इ॒मा ए॒व
 ता॒उ॒ष॒सो या प्र॑थ॒मा व्यौ॑च्छन् । ता दे॒व्यः कु॒र्व्वते॒ पञ्च-
 रू॒पा । श॒श्व॒तीर्ना॑वपृ॒ज्यन्ति॑ । न ग॑म॒न्त्यन्तं॑ ॥ ५ ॥
 क॒रो॒म्य॒व॒र्त्थं चि॒च्छु॒भ्रे अ॒वाम॑है च॒त्वारि॑ च ॥
 अनु० ६ ॥

सप्तमोऽनुवाकः ।

वसू॑नां त्वाधी॑तेन । रु॒द्राणा॑मूर्म्या । आ॒दि॒त्यानां॑ ते-
 ज॒सा । वि॒श्वे॑षां दे॒वानां॑ क्रतु॒ना । म॒रु॒ता मे॒मा जु॑होमि
 स्वा॒हा । अ॒भि॒भू॒तिर॒ह॒मा॒गमं॑ । इन्द्र॑सखा स्वा॒युधः॑ । आ-